

ბულნაზ ხუხუა



პედაგოგიკის კლასიკოსთა
შენაღწელებები ოჯახური
აღზრდის შესახებ

1 ნაწილი

სოხუმის სახელმწიფო უნივერსიტეტის
კედაბოგიკისა და ფსიქოლოგიის კათედრა

ბულნაზ ხუხუა

**კედაბოგიკის კლასიკოსთა
შახედულეგები ოჯახური
აღზრდის შესახებ**

I ნაწილი

თბილისი 1998

ნაშრომში განხილულია საშინაო-ოჯახური აღზრდის პრობლემა კლასიკურ-პედაგოგიური ცოდნა-გამოცდილების შუქზე.

იგი განკუთვნილია მშობლების, პედაგოგებისა და სტუდენტებისათვის. ასევე აღზრდის პრობლემებით დაინტერესებულ მკითხველთათვის.

რედაქტორი: დოც. ბ. ლომაძე
რეცენზენტი: დოც. ძ. კვიციანი
მხატვარი: ბ. დანელია

ბ 07701-895 © ულთი
01-97

შესავალი

კაცობრიობის მიერ დაგროვილი პედაგოგიური ცოდნა-გამოცდილების მნიშვნელოვან ნაწილს საშინაო-ოჯახური აღზრდის თეორია შეადგენს. პედაგოგიკის კლასიკოსები (მ.ფ. კვინტილიანე, ფრ. რაბლე, ი. ა. კომენსკი, ჯ. ლოკი, ჟ.ჟ. რუსო და სხვ.) ეყრდნობოდნენ რა შემეცნების სენსუალურ გავებას, პიროვნების ფორმირებაში ბავშვობაში მიღებული შთაბეჭდილების უდიდეს მნიშვნელობას ერთხმად აღიარებდნენ. ბავშვის ბუნებრივი ძალების განვითარებისა და სკოლისათვის მომზადების საქმეს სერიოზულად ეკიდებოდნენ. კიდევაც შექმნეს მეცნიერულად დასაბუთებული პედაგოგიური თეორია სკოლამდელი ასაკის ბავშვთა ფიზიკური, გონებრივი, ზნეობრივი და ესთეტიკური აღზრდის შესახებ. სწავლებისა და აღზრდის ერთიანობის, ბავშვის ბუნებასთან აღზრდის შესაბამისობის კანონთა საფუძველზე. ისტორიული ცოდნა-გამოცდილების გათვალისწინება იძლევა საშუალებას აწმყოს გავებისა და მომავლის განჭვრეტისა, ამდენად ეცადეთ ოჯახური აღზრდის პრობლემასთან დაკავშირებით პედაგოგიკის კლასიკოსთა შეხედულებების ანალიზის საფუძველზე გამოგვეკვეთა თანამედროვე თვალსაზრისით პედაგოგიურად ღირებული მოსაზრებები. თუ როგორ მოხერხდა ეს, თავად განსაჯოს მკითხველმა.

ქედაბობიკის კლასიკოსთა შეხვედულებები ოჯახური აღზრდის შესახებ

„შემაწვილი მისი გზის დასაწიხხში-
ვე გაწერთნი და სიხეშით კი არ
გაღაღუხევეს მას“

(ხოლომონის იგავის 22:6)

აღმანთა საზოგადოებრივ-სოციალური სტრუქტურის პირ-
ველი რგოლი იყო და არის ღმერთის მიერ დიდი
სიყვარულით დაფუძნებული ოჯახი. ოჯახის ცნებაში იმათვი-
თვე მოიაზრებოდა ღვთის ხატად შექმნილი (და არა
მომუხისაგან წარმოშობილი) მამაკაცისა და დედაკაცის მოწო-
ნებისა და სიყვარულის საფუძველზე აღმოცენებული ურთი-
ერთობა. იესო ქრისტემ თქვა: „შემოქმედმა დასაბამიდან
მამაკაცად და დედაკაცად შექმნა ისინი“... „ამიტომ მიატო-
ვებს კაცი მამას და დედას, მიეწებება თავის ცოლს და
ორნი იქნებიან ერთ ხორცად“¹. ამრიგად, რაც ღმერთმა
შეაუღლა, კაცი ნუ გაყრის მას“².

მეუღლეებს ღმერთმა მოქმედების პროგრამაც მისცა: „ინა-
ყოფიერეთ და იზრალეთ, აავსეთ დედამოწა...“³, რომელშიც
იგულისხმებოდა მსგავსთა გაჩენა და არა მარტო გაჩენა,
ამასთანავე მის ღირსეულ პიროვნებად ჩამოყალიბება სწავლე-
ბა-აღზრდის გზით. ამას მოწმობს ბიბლიური მოწოდებები: —
„შვილებს „მიეცი კარგი მაგალითი“, ან კიდევ: „ჩააგონებდე
შენს შვილებს ღმერთის სიტყვებს და უთხრობდე სახლში
ჯდომისას, გზაზე სიარულისას, დაწოლისას და ადგომისას“⁴.

ბიბლიურ კანონებს ოჯახურ აღზრდასთან დაკავშირებით
სპეციალური თავი დაუთმეთ ჩვენს წიგნში „ქრისტიანული
მორალი და პიროვნების ფორმირება“ (თბ., 1997) ამჭერად
მოუხმობთ მხოლოდ პედაგოგიკის კლასიკოსთა იმ შეხე-

დულებებს, რომელიც აღნიშნული პრობლემების დასაბამსა და
ისტორიულ ლოგიკურ კავშირებს დაგვანახებს.

მართლაც, ოჯახში, როგორც საზოგადოებისა და სახელმ-
წიფოს პირველადმა უჯრედმა თავისი თავი (6 ათასი წლის
განმავლობაში, ადამისა და ევას ოჯახიდან დაწყებული)
პირვეანდელი ძირითადი ნიშნებით დღემდე შემონახა, რაც
უთუოდ მის ღვთიურ წარმომავლობაზე მეტყველებს.

ოჯახი არის მთავარი, უფრო მეტიც, უნიკალური, მშვი-
დობიანი და ბედნიერი თავშესაფარი მოსიყვარულე ადამიანე-
ბისა, კანონიერი ადგილი დაბადების, აღზრდისა და აღამი-
ანის პიროვნებად ჩამოყალიბებისა. „ოჯახის გარეშე არ
არსებობს საზოგადოება და ვისაც საზოგადოებრივი კეთილ-
ღღობის ინტერესები ამოძრავებს, ვინც პატრიოტი და
პუშმანისტია, იგი აუცილებლად უნდა ზრუნავდეს ოჯახის
შექმნისა და განვითარებისათვის“⁵.

ოჯახის და ოჯახური აღზრდის პიროვნულ და საზოგადო-
ებრივ როლსა და მნიშვნელობას მუდამ ცნობდა და
აღიარებდა კაცობრიობა, ამასვე მოწმობს პედაგოგიკის კლასი-
კოსთა დამოკიდებულება ამ პრობლემებისადმი.

მეცნიერული პედაგოგიკის პირველი ფუძემდებელი I საუ-
კუნის რომაელი პედაგოგი მარკუს ფაბიუს კვინტილიანე
ოჯახური აღზრდის პრობლემებს განსაკუთრებულ ადგილს
უთმობს თავის პედაგოგიურ მოძღვრებაში. პირველი პედაგო-
გიური ტრაქტატის „ორატორის დარიგებანი“ ავტორის აზრით,
ჩველი საწყის ეტაპზე **ოჯახში მშობლებს**, ყურადღებით
შერჩეული ძიძისა და მალაკვალიფიციური მასწავლე-
ბლის ზედამხედველობით უნდა იზრდებოდეს, ხოლო 7 წლის
ასაკიდან ბავშვი აუცილებლად სკოლაში უნდა სწავლობდეს.

კვინტილიანე თვლის, რომ აღზრდაში აუცილებელია
სიყვარული, რომელიც გამოინატება სითბოში, აუერსსა და
მოფერებაში, სიახლეში, თანადგომასა და დაცვაში და ა.შ.
ამის საშუალება მხოლოდ მშობლებს, სისხლ-ხორციულ ნათე-
სავს გააჩნია. ამდენად მშობელი შეუცვლელია. კვინტილიანე

ოჯახს თელის პირველ და მთავარ საფუძვლად სწავლების შემდგომი საფეხურებისათვის. ამას მოწმობს ის ფაქტიც, რომ საშინაო-საოჯახო აღზრდის საკითხებს რამდენიმე თავი მიუძღვნა მეცნიერმა თავის უკვდავ „ორატორის დარიგებანში“.

კინტილიანე არაერთგზის მიუთითებდა აღზრდაში ოჯახის, მშობლების როლზე. იგი წერდა: „ბავშვი როგორც კი დაიბადება, მამა, უპირველეს ყოვლისა, მასზე დიდი იმედებით უნდა აღიყოს და ეს განწყობილება აიძულებს, იზრუნოს თავისი შვილებისათვის“⁶.

ქალის უპირველეს დანიშნულებად ცოლობა და დედობა ითვლებოდა ძველ საბერძნეთსა და რომში. დედა, როგორც უპირველესი და უახლოესი პირი, შვილებისათვის ზნეობის მაგალითი უნდა ყოფილიყო. ამიტომ ექცეოდა დიდი ყურადღება ქალის ფართო განათლებას, მისი ქცევისა და მოქმედების კულტურას. ის ქალი ითვლებოდა შექების ღირსად, ვინც ზეციერი მამისგან ბოძებულ ბუნებრივ საზრდოს (დედის რძეს — გ.გ.) არ აკლებდა თავის პირმშოს და საოჯახო საქმეებსაც კარგად ართმევდა თავს. შვილის ფიზიკურ აღზრდასთან ერთად დედას უნდა ეზრუნა მისი სულიერი განვითარებისა და ზნეობრივი სიწმინდისათვის, რაც მისგან მოითხოვდა ცოდნის გარკვეულ მარაგს ცხოვრების სხვადასხვა სფეროდან. ხატონად რომ ვთქვათ: განათლებულ თავს, კეთილ გულსა და გამარჯვებულ ხელს.

ოჯახური აღზრდის შესახებ ძველ საბერძნეთსა და რომში უკვე არსებობდა გარკვეული შეხედულებები და ტრადიციები. პორაციო საკუთარი მამის მაგალითზე ოჯახური აღზრდის გამოცდილებასთან დაკავშირებით წერდა: „თუ არავის შეეძლო ჩემზე ესაყვდურა ამპარტანობის ან ქუჭყანი გარყვნილების გამო, თუ ჩემი ცხოვრება სუფთა და უხინჯო იყო და ასევე ჩემი მეგობრებისა, ეს მამაჩემის დამსახურებაა. ისე ზრუნავდა იგი ჩემს აღზრდაზე, რომ შემდეგ ჩემს გამო არ გაწითლებულიყო საზოგადოებაში“. პლუტარქის ცნობით, კატონ უფროსი — განთქმული ისტორიკოსი განსაკუთრებულ

მნიშვნელობას ანიჭებდა მშვილების აღზრდას. იგი თავად მეთვალყურეობდა თავის შვილებს თურმე. თეთონ ასწავლიდა წერა-კითხვას, ცოდნის სხვადასხვა სფეროდან მისაწვდომ ფორმებში აწვდიდა ცოდნის ელემენტებს, უხსნიდა კანონებს, წერთინდა გიმნასტიკაში, ავარჯიშებდა სროლაში, ცხენზე ჯდომაში, ცურვასა და სხვა რაინდულ ქცევებში. მანვე დაწერა შვილებისათვის დიდი ასოებით მშობლიური ქალაქის ისტორია, რომ ბავშვი ოჯახში, ადრეული ასაკიდანვე გასცნობოდა მამულის წარსულს. იგი თავდაპირილობითა და თავაზიანობით პირად მაგალითს წარმოადგენდა ბავშვებისათვის.

კატონ უფროსის აზრით, როგორცია დედა, ისეთივე იქნება მისი შვილი, ამიტომ მაიანდა ქალთა განათლება აუცილებლად, რადგან სწამდა, რომ განათლებული და განვითარებული დედა ღირსეულ მამულიშვილს აღზრდიდა თავის სამშობლოს. შეუძლებელია ეს და ზემოთ დასახელებული მოსაზრებები მშობლებზე არ გაეზიარებინა კინტილიანეს, როგორც წინამორბედთა, ისე თავის თანამედროვე სახელოვან მოღვაწეთა უდიდეს პატივისცემელს, მათი იდეების გამოზარებელსა და პოპულოზატორს. ყოველ შემთხვევაში, მათი შეხედულებები მშობელთა როლზე აღზრდაში ერთმანეთს ემთხვევა.

ძიძა, როგორც აღზრდის ერთ-ერთი მნიშვნელოვანი ფიგურა, დიდად გავრცელებული ფორმა ყოფილა საშინაო აღზრდის პირობებში. „ორატორის დარიგებანიდან“ ვგებულობთ, რომ მას ირჩევდნენ მეტყველების კულტურისა და ზნეობრივი ნიშნის მიხედვით, ენის ცოდნით, აზრის სიტყვით გამოთქმა-წარმოთქმის უნარ-ჩვევებით გამოირჩეულს.

ძიძასა და მშობლებთან ერთად აღზრდა მაინც პედაგოგის გარეშე არ წყდებოდა. კინტილიანე განსაკუთრებულ მოთხოვნებს უყენებდა შინ მოწვეულ მასწავლებლებსაც, რომლებსაც ანდობდნენ ყველაზე ძვირფას განძს — შვილს.

კინტილიანეს მიხედვით, მშობლებს უნდა ეზრუნათ იმისათვის, რომ ბავშვს ჰქონოდა ოჯახში აღზრდისათვის აუცილებელი ხელსაწყოები პირობები. იგი მკაცრად აყენებდა საკითხს ყოველგვარი უზნეობის, მდარე ყოფაქცევისა და ცუდი მეტყველების გარემოებისაგან ბავშვის დაცვის აუცილებლობის შესახებ; მოითხოვდა მკაცრი კონტროლის დაწესებას იმ გარემოზე, რომელშიც ბავშვი ცხოვრობდა. მომავალი ორატორი — განაგრძობს კინტილიანე — ადრეული ასაკიდანვე უნდა იმყოფებოდეს ისეთ გარემოში, სადაც თავიდანვე არა მარტო სიტყვის სწორად წარმოთქმასა და გამართულ მეტყველებას მოისმენს, ამასთანავე მაღალი მორალური ჰქცევის სანიმუშო მაგალითებს დაინახავს.

კინტილიანეს დროინდელი რომის საზოგადოების ზედა ფენა მაღალი მორალით ვერ დაიკვეხნიდა. აქ ისეთ ცხოვრებას ეწეოდნენ, რომელიც ხრწნიდა მოზარდთა ფსიქიკას. ამასთან დაკავშირებით კინტილიანე წერს: „ყოველგვარ ნადიმზე გაისმის უშეგრი, უხამსი სიმღერები. მათ შესახებ პირდაპირი საუბარი დიდი სირცხვილიც კია. აქედან იბადება ჩვეულება, რომელიც შემდეგ დამახასიათებელ ბუნებრივ თვისებად იქცევა. საცოდავი ბავშვები ყველაფერ ამას ითვისებენ, ჯერ კიდევ არ იციან რა, რომ ეს ბიჭიერებაა, უზნეობაა“⁸. ამგვარ ამთვისებლობას ხელს უწყობს სრული წამქეზებლობა, წათამამება: „ოო, თვითონ ჩვენ რომ არ ვაფუჭებდეთ ჩვენი ბავშვების ზნეობას. ჩვენ თვითონ სხვადასხვანაირი წამქეზებით ვიწვევთ მათ ზნეობრივ მოღუწებას. ასეთი უღარდელი და წამქეზებლური აღზრდით, რომელსაც შემწქნარებელურს ეუწოდებთ, ფიზიკურად და გონებრივად ვაძაბუნებთ. რას არ მოისურვებთ მომწიფების ასაკში შესული ის, ვინც ჩვილობიდანვე შეეჩევა განცხრომასა და ფუფუნებას. ეს-ეს არის ბავშვმა დაიწყო ტიტინი, უკვე ანსხვავებს გემრიელ საჭმელს და მოითხოვს მას. მისი ბავშვური ენამორლექული მეტყველება გვართობს ჩვენ, სიტყვებს, გა-

რყნილ ოჯახშიაც კი მიუღებლად რომ თვლიან, ჩვენ სიცილითა და კოცნით ვისმენთ პატარებისაგან. მერე კი რატომღაც გვიკვირს. ჩვენვე ვასწავლეთ ეს სიტყვები ხომ ბავშვებს...?!“⁹

კინტილიანე იძლევა რჩევას, რომ იმ ზნეობრივ თვისებებს, რომელიც უნდა ახასიათებდეს ზრდასრულ პიროვნებას, ადრეულ ასაკშივე ოჯახში უნდა ჩაეყაროს მყარი საფუძველი, რადგან „გაცილებით უკეთესია თავიდანვე ჩამოვუყალიბოთ ბავშვს შემდგომი განვითარების კარგი საფუძველი, რადგან გაცილებით მეტ ძალისხმევას მოითხოვს უკვე ფორმულირებული, ჩვეულებად ქცეული მანკიერების ამოძირკვა; ასეთ შემთხვევაში დახელოვნებულ აღმზრდელს ორმაგი ჯაფა აწევს: მან უნდა ჯერ გადააჩიოს უკვე ფესვგადგმულ მიუღებელ ჩვევებს და ხელახლა ჩაუნერგოს სასურველი ახალი ჩვევები, ხოლო პირველი (გადაჩვევა) გაცილებით ძნელია“¹⁰. აქ ხელახალი აღზრდის პრობლემაზეა ყურადღება გამახვილებული.

კინტილიანე ხაზს უსვამს ბავშვის მიმბაძველობის მაღალ უნარებს და მოითხოვს უფროსებისგან ბავშვებს აჩვენონ ყოფაქცევის, ზნეობისა და გონიერების სანიმუშო პირადი მაგალითი. საშინაო, ოჯახურ აღზრდასთან დაკავშირებული არც ერთი ღებტალი ყურადღების მიღმა არ რჩება კინტილიანეს.

კინტილიანეს შემეცნების თეორია ემყარება სენსუალიზმს. მეცნიერი აშკარად ავლენს ცოდნას იმის შესახებ, რომ აღამიანს აქვს შემეცნების პოტენციური უნარები გრძნობის ორგანოების გზით, მაგრამ მან არაფერი იცის ობიექტური სინამდვილის შესახებ მანამ, სანამ იგი შეგრძნებაში არ ექნება. შემეცნებისადმი სენსუალური მიდგომა „ორატორის დარიგებანის“ ავტორს აძლევს საშუალებას აღზრდის პრიორიტეტს ალიარებისა ამიტომ კინტილიანეს მიხედვით, აღზრდის მიზანმიმართულ-გეგმვაზომიერი პროცესი უნდა იწყებოდეს ბა-

ეშვის დაბადებისთანავე. ოჯახში მშობლების, ძიძისა და მასწავლებლის ერთობლივი ზედამხედველობით, მიზანში უნდა იყოს ბავშვის გრძნობის ორგანოების (როგორც გონების იარაღების) განვითარება, კონკრეტული, ცოცხალი განსჯერებით მიღებული შთაბეჭდილებებით გამდიდრება.

საშინაო-საოჯახო აღზრდის შესანიშნავი კონკრეტული მაგალითი მოგვსა მე-16 საუკუნის ფრანგმა, ჰუმანისტმა მწერალმა ფრანსუა რაბლემ თავის პედაგოგიურ-სატირისტულ რომანში „გარგანტუა და პანტაგრუელი“, რომელსაც თავისი პედაგოგიური ღირებულება დღესაც არ დაუკარგავს. ამაში თვით ამ შრომის გაცნობით დაერწმუნდებით.

მართალია, ფრ. რაბლეს ვერ წარმოუდგენია სკოლამდელი აღზრდის პრობლემის გადაწყვეტა მასწავლებლის გარეშე, მაგრამ თუ მაშინ შეიძლებოდა აღნიშნული პრობლემის გადაწყვეტა, დღეს იგი უფრო ადვილია. მწერალმა პონოკრატეს სახით დაგვიხატა ღირსეული მასწავლებლის პიროვნება და გვიჩვენა მისი უსაზღვრო შესაძლებლობა ბავშვის პიროვნებად ჩამოყალიბების საქმეში. მით უმეტეს, რომ პონოკრატეს არასწორი აღზრდით სულიერ-ზნეობრივად დასახირებული სხვა ალზრდასთან ჰქონდა საქმე.

„უყურა პონოკრატემ, უყურა და რა ნახა, რომ გარგანტუას ზნე-ქცევა არ უვარგა, გადაწყვიტა სხვა რიგ კეთილმცნეობებითა განსწავლა იმისი, თუმცადა პირველ ყმად თავისა ნებაზედ მიუშვა, რამეთუ ჰგონებდა, ბუნება შეუძრწუნებლად ანაზღვეულ ცვალებასა ვერ იტანსო“.

როცა დაადგინა პონოკრატემ გარგანტუას აღზრდილობისა და განათლების დონე „დასტურ მისახედად მიზნისა, პონოკრატემ იჭაურ სწავლულთა და მცნეირთა საზოგადოებას ახიარა გარგანტუა, რათა გვაჭიოთა და ბაძვით სულიერად ამაღლებულიყო იგი და გასჩენოდა წადილი რუდუნებისა და გამოჩინებისა“.

პონოკრატეს აზრით, მაღალი რანგის საზოგადოების გა-

ნობით გარგანტუას ეძლეოდა საშუალება შედარებისა, რომ ნათლად ენახა განსხვავება მდაბიურსა და მაღალ კულტურას შორის და ამ ფონზე შეეცნო საკუთარი „მე“.

„მერე მან ისერიგად გააჩიგა დრო საწერთნელად, რომ გარგანტუას ერთი ყმიცა უქმად არ ეკარგებოდა, დილიდან დღამებამდისა ღია გამოსადგე ცოდნასა იყო დაწაფებული“. დილით საღვთო წერილს გამოიმეტყველებით წაუკითხავდნენ, რაც ისე ზემოქმედებდა გარგანტუაზედ, „რომ იგი მოწინე-ბითა და საყვარული იმსჯელებოდა უფლის მიმართ“.

გარგანტუა, სანამ დილის პირადი ჰიგიენით იყო დაკავებული, „მოძღვარი ერთხელ უკვე წაკითხულსა ხელახლა უმეორებდა, უხსნიდა, რასაც ვერ ჩახვებოდა, ანდა რაიცა გასძნელებოდა“.

გარგანტუას ბუნებას ბუნებაზე დაკვირვებით ასწავლიდნენ, „ცისარტყელასა უთვალთვალდნენ, რა დღეშინაო, ვითარ წუხელ იყო ისეთივეა, თუ არაო, და განსაზღვრავდნენ მზე აწ რა ბურჯზედ ამობრწყინდებაო და მთვარე რა ეტლს ამოკვეთაო“.

„ამისა უკან გარგანტუას ტანთ აცმევდნენ, თმას უვარცხნიდნენ, უხუკუჭებდნენ, სურნელთ აკურებდნენ და სრულიად ამ ხნის განმავლობაში წინადღისა გაკვეთილთ ამეორებინებდნენ. იგი ზეპირ უპასუხებდა და თან სულ იმის ცდაში იყო შემხვეულებოდა რამ ცხოვრებისა მოემარჯვებინა“.

ამის შემდეგ ახალ მასალას სამი საათი უკითხავდნენ და უხსნიდნენ. „მერემ პაერზედ გადიოდნენ, წაკითხულსა გზა-გზა სჭიდნენ და სატანეარჯიშოდ ბრაკს მიაშურებდნენ, ანდა სადმე გაიმინდვრებდნენ, ბურთსა გაიგდებდნენ, ჩოგანსა ამოკრავდნენ, ეცი მაგასო, მწვეარსაებრ დაედევნებოდნენ. ისევ ისე ხერხიანად იწრთობდნენ სხეულსა, ვითარც წელან სულს ითვამებდნენ, უნდოდათ — არა და უკეთუ ოდნავ გაიფლავებოდნენ, ანდა დაიღლებოდნენ, უმალ თავს ანებე-

ბდნენ ფუნდუსა, ტანსა გულდაგულ შეიმზარებდნენ, გამო-
იკვლიდნენ პერანგთ... და საქმლის მოლოდინში კაფიეტად
და გამომეტყველად ზეპირ უბნობდნენ, რაც კი იმ დღისა
გაკვეთილით დასსომებოდათ“. სადილად რომ დასხდებოდნენ,
„პირველ ორ თვესა თან იმის ასხნაში იყვნენ, რას რა
თვისობრიობა ჰქონდა, რა თვისებურება, რა მარგებლობა და
რისგან შექმნილიყო ყელაზე კაი სუფრაზედ მირომეული:
პური, ღვინო, წყალი, მარილი, ხორცი, თევზი, ხილი,
მწვანილი, ბულო და არცა ის გამორჩებოდათ, რა კერი
რაგვარ უნდა განეშადებინათ. გზადაგზა გარგანტუამ მცირე
რამ ხანში დაისწავლა პლინიუსის, ათენოსის, დიოსკორიდო-
სის, იულიუს პოლუქსის, პელიოდორეს, არისტოტელეს, ელი-
ანესა და სხვათა წიგნთაგან შესაბამისად გამოკერფილნი
მუხლნი“. ცოდნის ღრმად და მტკიცედ შეთვისების მიზნით
განმეორება-ვარჯიშის მეთოდებს მიმართავდნენ. „შემდგომად
ისევ იწყებოდა გამაჯანსაღებელი სანიტარულ-ჰიგიენური პრო-
ცედურები: „გარგანტუა დანამასტიკის ტრატითა კბილთ გამო-
იჩიქნინდა, ხელ-პირსა ცივი წყლით ვადაიბანდა და უფალსა
მადლსა შესწირავდა უცხო ქებისა გლობითა, განადიდებდა
კეთილმოწყობასა და მოწყალებასა მისასა...“ მერე „შესაქე-
ვად ოინთა იგონებდნენ და მახვილგონებიანად რაცხეთათვისა
სწავლაზედ, ანუ არითმეტიკაზედ აგებდნენ“. ამგვარი თამაშით
„ისე გაიწაფა და გაეარჯიშდა ხელეთად, თუ საქმიითად, რომ
მასთან თვით ტუნსტალიც (ღიდი ინგლისელი მათემატიკოსი)
უკან დაიხვედა.

გარგანტუას, სიბეჯითის წყალობით, კარგად ემარგებოდა
გეომეტრია, ასტრონომია, მუსიკა — სახიობა. იგი „უკრავდა
ბარბითსა, სპინეტსა, ებანსა, ცხრასარკველიან გერმანულ ფლე-
იტსა, ვიოლასა და ტრომბონსა“. „მუსიკალური პაუზის“
შემდეგ „სამიოდ საათსა თავის უმათარეს სამეცადინოსა
მეცადინეობდა, ესე იგი, იმ დილანდელ კითხვისა გაკვეთილსა
იმეორებდა, კვლავ კითხულობდა და ანტიკურ, თუ ახალრო-

მაულ ასოთა ლამაზად და სწორად გამოყენასა სწავლობდა“.
მეცადინეობას რომ მორჩებოდნენ, გიმნასტიკის ხელშეწყობა-
ბით გარგანტუა ფიზიკურ წრთობას გადიოდა. ხან აღკა-
ზმულ ტაიქზე ამხედრებული ვარჯიშობდა, „უკეთუ ჭირითსა
ვიტყვი, ანდა ცხენგალებასა, გარგანტუას ბადალი არა ჰ
ყავდა...“

გარგანტუა ნადირობაშიც უბადლო იყო. „ნადირობითა
ცხენდაცხენ ნადირობდა ირემზედ, შველზედ, დათვზედ, ქუ-
რციკზედ, ტახზედ, კურდღელზედ, კაკაბზედ, ხოხობზედ,
სავათზედ, თუ არა და ბურთაობდა. შეისროდა ტოტოჩინა
ბურთსა, ფხსა გაჰკრავდა, ან მუშტსა ამოჰკრავდა, ჭიდა-
ობდა, რბობდა, ხტობდა...“ არც ცურვაში ჩამოუყარებოდა
ვინმეს. აქაც აქტიურად ვარჯიშობდა იგი. „ცურაობითა
ღრმაში ცურაობდა პირდაღმა, გულაღმა, მხარეთმოზედ
წამოწოლილი... სენას ხელწიგნიანი გადაცურავდა და... ერთი
ფურცელიც არ დაუსველდებოდა...“ „ხომაღლზეც ცალი
ხელით აებლოტებოდა...“ „ცალი ხელითა აფლიონსა მართავდა,
მეორეთი უშველებელ ნიჩაბს უსვამდა... ბულინსა ჭარისა
წინააღმდეგომ ატრიალებდა, საქე უცთომლად ეპყრა“.

სპორტის ყველა სახეობებში გამორჩეული გარგანტუა,
„იოდა და ტყორცინდა ხელშუბსა, რკინის ძელსა, ლოდინსა,
ოროლასა, ზუფინსა, წათსა; მშვილდისარს წამზედ მოზიდდა,
სააღყო სამალსა მარტო გამართავდა“. ცადაწვილი კოშკზედ
ჩამობმულ ბაგირზე აცოცდებოდა, ისევ მარჯვედ ჩამოხობდ-
ებოდა.

„ხესა და ხეს შუა ვეება კოქსა გასდებდნენ. ჩაავლებდა
ხელთ იგი, ზედ ჩამოეკიდებოდა და ფეხებჩამოკონწიალებული
შურდულივით გალი-გამოდოდა წინ და უკან, სიმარდში
მკობნელი არა ჰყავდა...“ „ძელობანაში უპირველეს ფალავანთ
ერკინებოდა...“

„შემდგომად ესევეთარი სწავლა-ვარჯიშისა უნდა დაეზი-
ლათ, გაეღვიკათ, ტანთ სამოსი გამოეცვალათ“. „უპვე

შინმოსულნი, ვინემ სადილისა მოლოდინში იყვნენ, ჭერეთ წაითხულსა რასმე გაიმეორებდნენ და მერმე მიუსხდებოდნენ სუფრასა“.

„სერისა კულზედ კვალად განაახლებდნენ სამხრისკამინდელ გაკეთილსა, და, ვიდრე არ გაბეზრდებოდნენ, თავსა არ გაანებებდნენ“. სამადლობელ ლოცვას რომ წარმოთქვამდნენ, წაეიდოდნენ და ეწვეოდნენ მეცნავე-მეცნიერთ, ანდა მოგზაურთ, რომელთაც უცხო მხარე მოეხილათ.“

„უკუნ ღამეში, სანამ დაიძინებდნენ, გავიდოდნენ ყოვლისა უფრორე საბუსუნო ადგილასა და ცასა გახედავდნენ, უთვალთვალდებდნენ კუდიან ვარსკვლავებს, უკეთუ სადმე ჩანდნენ, ანდა მთიეთია მღებარეობასა, განლაგებასა, პირისპირ ღვომასა და თანამთხევასა აკვირდებოდნენ“.

„შემდგომ გარგანტუა მოძღვარსა თვისას პითაგორელთა მოკლედ უამბობდა, რაც კი რამ იმა დღესა ენახა, შეეტყო, ექმნა და გაეგონა“.

„მას უკანითა მოქმედ ღმერთსა ლოცვასა და სიყვარულს აღუდუნდნენ, რწმენასა განიძლოვებდნენ, განაიღებდნენ უსასრულო წყალობასა უფლისასა, გარდასულისა გამო მადლსა შესწირავდნენ და მომავლასაცა ღვთისავე სახიერებასა მიანდობდნენ“.

აღზრდის საწყის ეტაპზე რაბლე გეთავაზობს ბავშვის შესწავლის ინსტრუქციას, როგორცაა: აღსაზრდელის ასაკობრივი და ინდივიდუალური თავისებურების, მისი მომზადების და განვითარების დონის დადგენა; იდეალურისა და რეალურის შესადარების მეთოდით ბავშვის დარწმუნება მიღწეულსა და მისაღწევს შორის არსებული განსხვავების დაძლევის შესაძლებლობასა და აუცილებლობაში; სამოქმედო გეგმის, პროგრამისა და დღის რეჟიმის შედგენა.

სამინაო აღზრდის ამ ერთი დღის რეჟიმიდან გამომდინარე რაბლესეული პედაგოგიურ ღონისძიებათა სისტემა შეიძლება წარმოებდგინოთ ასეთი სახით:

1. წილთ, ადგომისთანავე საღვთო წერილის (ბიბლიის) წაკითხვა;

2. დღის ტუალეტი და პარალელურად წინა მასალის გამეორება;

3. ბუნებაზე დაკვირება, მონაცემების დაფიქსირება და ანალიზი;

4. ახალი მასალის ახსნა (მოწვეული მასწავლებლის მეშვეობით), გაკვეთილი;

5. ტანვარჯიში და პარალელურად ახალმოსმენილი მასალის განმტკიცება;

6. სადილი (აქტიურ-შემეცნებითი);

7. დასვენება;

8. მეცადინეობა. განმეორება-ვარჯიში;

9. გამაჯანსაღებელ-სანიტარულ-ჰიგიენური პროცედურა;

10. ლოცვა;

11. დიდაქტიკური თამაში;

12. მუსიკალური გართობა;

13. გაკვეთილის მომზადება (წერა-კითხვა);

14. ფიზიკური ვარჯიში, სპორტული თამაშობანი: ჭირითი, ნაღირობა, ცურვა.

15. ვახშამი;

16. გაკვეთილის მომზადების დასრულება;

17. ისევ ბუნებაში გასვლა. დაკვირება, ღამის მონაცვლეობის დაფიქსირება;

18. ტყილი ძილი.

ფრანსუა რაბლეს პედაგოგიურ დებულებებს ოჯახური აღზრდის შესახებ ოთხი საუკუნის შემდეგაც ყველი არ გასვლია. მის შემოქმედებითად ათვისება და მოცემულ სიტუაციაში დროისა და სივრცის გათვალისწინებით გამოყენება უნაყოფოდ არ ჩაივლიდა.

ოჯახური აღზრდის პრობლემას განსაკუთრებული ადგილი უკავია ი.ა. კომენსკის „დიდ დიდაქტიკაში“. სკოლამდელი აღზრდის მიზანი, ამოცანები, შინაარსი, პრინციპები და მეთოდები ლაკონურად, სხარტად და ნათლად ჩამოყალი-

ბებული მის „დედობრივი სკოლის იდეაში“. კომენსკის აზრით, როგორც „პირველი წლების განმავლობაში ხის ღერო მაშინვე გამოიღებს ხოლმე ყველა მთავარ ტოტს, რომლებიც შემდეგ მხოლოდ იზრდება“, ასევეა ბავშვებშიც. პირველ წლებშივე „უნდა ვასწავლოთ ყველაფერი, რაც მას სარგებლობას მოუტანს მთელი ცხოვრების განმავლობაში“¹². ხელს შეუწყობს სრულფასოვან პიროვნებად ჩამოყალიბებაში. ბავშვის აღზრდას დედობრივ სკოლაშიც, ე.ი. ოჯახშიც, კომენსკი სწავლებისა და აღზრდის ერთიანობის პრინციპზე აგებს. იგი მოითხოვს გარე სამყაროს შესახებ ბავშვისთვის ინფორმაციების მიწოდებას გრძნობის სახეობათა შესაბამისად. მეცნიერს სრულიად დასაშვებად, უფრო მეტიც, აუცილებლად მიიჩნია სხვადასხვა მეცნიერებათა ზოგადი საფუძვლების ელემენტების ათვისება ბავშვზე სპეციალური პედაგოგიური ზემოქმედების გზით. პირველი ექვსი წლის განმავლობაში — წერს კომენსკი — ბავშვმა შეიძლება მიიღოს გარკვეული ცოდნა ბუნებისმეტყველებაში, ფიზიკასა და ოპტიკაში, ასტრონომიასა და გეოგრაფიაში, ისტორია-ქრონოლოგიასა და არითმეტიკა-გეომეტრიაში, სტატისტიკაში, მექანიკასა და დიალექტიკაში, გრამატიკასა და რიტორიკაში, პოეზიასა და მუსიკაში, მეთრენობაში, პოლიტიკასა და ზნეობაში, რელიგიაში. აქედან გამომდინარე, შეიძლება ბავშვმა იცოდეს თუ რა არის მიწა, წყალი, ჰაერი, ცეცხლი, წვიმა, თოვლი, ყინვა, ჭკა, რკინა, ხე, ბალახი, ფრინველი, ცხოველი, თევზი და სხვა.

ბავშვი ოპტიკის საფუძვლებს ეცნობა სიბნელის, სინათლის, ჩრდილის, აგრეთვე ფერების გარჩევით; ასტრონომიულ ელემენტებს კი იმის გარკვევით, თუ რას ნიშნავს ცა, მზე, მთვარე, ვარსკვლავები; მთის, მინდორის, ვაკის, მდინარის, სოფლის, ციხე-სიმაგრის, ქალაქისა და მისთანათა შესწავლით ბავშვი იღებს გეოგრაფიული ელემენტების ცოდნას.

ქრონოლოგიურ აზროვნებას საფუძველი ეყრება მაშინ,

როცა აღსაზრდელს ასწავლიან თუ რას ეწოდება საათი, დღე, კვირა, თვე, წელიწადი, ან კიდევ, წელიწადის დროები. ისტორიის საწყის საფუძვლებს სწავლობს ბავშვი უკვე მომხდარის, გარდასულის მოგონებებით. არითმეტიკისა და გეომეტრიის ელემენტების შემეცნებას კი იწყებს თვლით, მეტრება-ნაყლებობის შემჩნევით; როცა იცის, თუ რას ეწოდება დიდი და პატარა, გრძელი და მოკლე, ფართო და ვიწრო, სქელი და თხელი; საზომი ერთეული: მტკაველი, წყათა, საყენი და სხვა. სტატისტიკისა და მექანიკის საფუძვლებს იცნობიერებს ბავშვი — გადმოტანის, მოწესრიგების, აშენების, ნგრევის პროცესში. ამიტომ ურჩევს კომენსკი აღმზრდელებს, არ დაუშალონ ბავშვებს ამგვარი მოძრაობა. რამეთუ ასეთი საქმიანობა „სხვა არაფერია, თუ არა ნიჭიერი ბუნების მისწრაფება ხელოვნურად შექმნას საგნები“, რასაც სჭირდება კომენსკის აზრით, წახალისება და ხელმძღვანელობა.

დიალექტიკურ აზროვნებას საფუძველი ეყრება კითხვა-პასუხების დასმა-გაცემის დროს. ხოლო გრამატიკის საწყისებს ეწვევა ბავშვი, როცა იწყებს დედაენაზე სწორად ლაპარაკს. რაც შეეხება რიტორიკის, პოეზიისა და მუსიკის ელემენტების შეთვისებას, იგი მას იწყებს შესაბამისი ინტონაციითა და ექსტიკულაციით ლაპაზად, სწორად წარმოთქმით, ლექსების, საგალობლებ-ფსალმუნებისა და საღვთო ჰიმნების შესწავლით.

სამეურნეო ცოდნის ელემენტებს იძენს ბავშვი ოჯახის წევრების, სახლის არქიტექტურული განლაგების, საოჯახო ნივთების შემეცნებით.

პოლიტიკური ცოდნის საწყისებსაც კი სწავლობს ბავშვი, როცა იგებს თუ ვის ეწოდება ქალაქის მერი, სენატორი, მოსამართლე, ნოტარიუსი და სხვა.

კომენსკი რელიგიას (ქრისტიანულ მორალს) განიხილავს როგორც ზნეობრივი აღზრდის საფუძველს. იგი ასახელებს ზნეობის შინაარსს, რომელიც აუცილებლად უნდა ისწავლოს

ბავშვმა ოჯახში ექსი წლის განმავლობაში. მაგალითად: ზომიერება, სისუფთავე, პატივისცემა უფროსებისადმი, გულმართობა, სამართლიანობა, ღვთისა და მოწყაის სიყვარული, შრომა, მოთმინება, თავზიანობა, ზრდილობა; „ბავშვი უნდა განიშუქვალოს ღვთაების გრძნობით, ყოველგან გრძნობდეს ღვთის არსებობას, ეშინოდეს მისი, როგორც ბოროტების ყოველად სამართლიანი დამსჯელისა, და არ ჩაიდინოს არავითარი ბოროტება, ხოლო მეორე მხრივ, უყარდეს ღმერთი, როგორც ყოველად მოწყალე არსება, რომელიც კეთილმყოფელთა აჯილდოებს; თავიანთ სცემდეს მას, ევედრებოდეს და აღიღებდეს“¹³.

კომენსკის მიხედვით, სისტემატიურობისა და თანმიმდევრობის პედაგოგიური პრინციპით ბავშვის გონების გახსნას, ქეშმარიტი შეშენებით მის სულიერ გამდიდრებას ის სარგებლობა მოაქვს, რაც მხარობელმა სოჭვა ჭრისტეზე, რომ მან განსწავლით მიაღწია სიბრძნეს და ასაკს და სიყვარულს ღვთისა და ადამიანთა წინაშე. „იესოს ემატებოდა სიბრძნე და ასაკი, და მადლი ღმერთთან და კაცთან“¹⁴.

ბავშვის ადრეული ასაკიდანვე ოჯახში სკოლისათვის მომზადების პედაგოგიური მნიშვნელობის დასაბუთებით, კომენსკიმ სკოლამდელი აღზრდის კინტილიანესული იდეის ქეშმარიტებაც წარმოაჩინა და თავისი დროის მოთხოვნებსაც მარჯვდ და მორგებულად უპასუხა; ასევე თავისი „დიდი დიდაქტიკის“ არსის გახსნაშიც საჭირო სინათლე შეიტანა.

კომენსკი სკოლამდელი ასაკის ბავშვთა საოჯახო აღზრდის პროგრამის შედგენით არ დაკმაყოფილებულა. მან განიზრახა მშობლებისა და ძიძების პედაგოგიური კულტურის დონის ამაღლების მიზნით სპეციალური სახელმძღვანელოების შექმნა, რომელიც დაეხმარება მათ თავიანთი მოაღუბის გარკვევაში. დაწერილებით იწებოდა „აღწერილი ყველაფერი ის, რაც აუცილებლად უნდა ეასწავლოთ ბავშვს: რა დროს რა უნდა ისწავლებოდეს, რა სახით, რა გამოთქმებისა და ექსტების საშუალებით“¹⁵.

მეორე წიგნი კი განკუთვნილი იყო ბავშვებისათვის მათი გრძნობათა გალიძების მიზნით. სურათებიანი წიგნი „რომელიც ხელს შეუწყობს ვარჯიშობას ღვთობრივ სკოლაში“, გრძნობის ორგანოების განვითარებას. კომენსკი გრძნობის ორგანოთა შორის განსაკუთრებულ მნიშვნელობას ანიჭებს მხედველობას. ამიტომ „სრულიად მიზანშეწონილი იქნება, თუ ამ წიგნში შევიტანთ ელემენტარულ ცნობებს ფიზიკიდან, ოპტიკიდან, ასტრონომიიდან, გეომეტრიიდან და სხვა... წიგნში შეიძლება მოვათესოთ შემდეგი სურათები: მთა, ველი, ხე, ფრინველი, თევზი, ცხენი, ხარი, ცხვარი, სხვადასხვა ასაკისა და ტანის ადამიანი. აგრეთვე სინათლე და სიბნელე; ცა მზით, მთვარით, ვარსკვლავებით და ღრუბლებით. მთავარი ფერები; საოჯახო ნივთები და სხვადასხვაგვარი ხელსაწყო; ქოთნები, სინები, ტოლჩები, ჩაქურები, გაზები და სხვ.; წარჩინებულ პირთა სურათები, როგორც, მაგალითად, მეფე გიორგიანთა და სკიპტრით, აგრეთვე გლეხი გუთნით, მეტლე ფორანით, ფოსტალიონი. სურათზე უნდა იყოს წარწერა, თუ რა არის ეს საგანი, მაგალითად: ცხენი, ხარი, ძაღლი, ხე და სხვა“¹⁶.

იქვე უთითებს მეცნიერი, თუ რა სარგებლობა მოაქვს ასეთ წიგნს: „შთაბეჭდილების გაძლიერება, წერა-კითხვის შესწავლის გაადვილება სკოლაში.“

კომენსკი, ბავშვის ბუნების, მისი გონებრივი შესაძლებლობების დახასიათებისას მიმართავს შედარების მეთოდს. იგი ჩილს ადარებს თესლს, ან მარცვალს, რომელშიც არ ჩანს იმ მცენარის ფორმა, რომლის თესლიცაა იგი, მაგრამ ეს მცენარე მასში ნამდვილად არსებობს. საილუსტრაციოდ მოვიტანთ ნაწყვეტს, რომელშიც კომენსკი იძლევა მნიშვნელოვან მაგალითს ბავშვის პიროვნებად ფორმირების პოტენციული შესაძლებლობისა: „ფილოსოფოსები ადამიანს უწოდებენ მიკროკოსმოსს (მცირე სამყაროს), რომელიც შეიცავს შეკვეცილი სახით ყველაფერს, რაც ფართოდ გაშლილი

გველინება მაკროკოსმოსში; რომ ეს ასეა, დამტკიცებულია სხვა ადგილას. ამნაირად ადამიანის გონება, რომელიც ამ ქვეყნად შემოდის, ყველაზე უფრო შეედრება თესლს, ან მარცვალს, რომელშიაც, თუმცა ბალახის, ან ხის ფორმა აშკარად არაა მოცემული, მაინც ბალახი, ან ხე მასში ნამდვილად არსებობს; ეს ნათელი ხდება მაშინ, როდესაც მიწაში ჩადებული თესლი ქვევით უშვებს ფესვებს, ხოლო ზევით კი ყლორტებს, რომელიც თანდაყოლილი ძალის მეოხებით შემდეგ გადაიქცევიან შტოებად და ტოტებად, შემომოსებიან ფოთლებით და შემდეგ მოირთვებიან ყვავილე-ბითა და ნაყოფით. მაშასადამე, ადამიანში გარედან არაფერია შესატანი, არამედ ის ჩანასახები, რაც თვით მასში მოცემულია, უნდა განვითარდეს, გაიშალოს და ყოველივეს მნიშვნელოვან ცალკე იყოს ნაჩვენები. ამიტომაა, რომ პითაგორე ხშირად ამბობდა, იმდენად ბუნებრივიაო ადამიანმა ყველაფერი იცოდეს, რომ შვიდი წლის ბავშვსაც რომ გონიერულად შეეცდებოდა მთელი ფილოსოფიის საკითხებზე, ის შეძლებდა ყველაფერზე გონიერული პასუხი გაეცა, რასაკვირველია იმიტომ, რომ გონების მარტოოდენ უშუალო კი წარმოადგენს საკმარის ფორმასა და ნორმას ყველა საგნისას. მხოლოდ ახლა, შეცოდების შემდეგ გონება აზნებებს თავის თავს და ბორკავს, არ იცის, როგორ განითავისუფლოს თავი; ისინი კი, ვისაც უნდა განეთავისუფლებია იგი, უფრო უხლართავენ მას გზას.

გარდა ამისა, ჩვენს შიგნით არსებულ გონიერ სულს მოცემული აქვს, როგორც მსტოვარნი და მზვერავნი, გრძნობების ორგანოები, რომელთა მეოხებით ის წვდება იმას, რაც მის გარეთ არის: მხედველობა, სმენა, ყნოსვა, გემო და შეხება ისე, რომ მას ვერც ერთი ქნილებათაგანი ვერსად ვერ დაემალება. და, რადგან ხილულ მსოფლიოს არაფერი აქვს ისეთი, რის ან ხილვა, ან მოსმენა, ან შეწყნოსვა, ან გემოთი გაეცნობა, ან შეხება არ შეიძლებოდა და ამით იმის

შეცნობა, თუ რა არის ის და როგორია, ამიტომ არაფერია მსოფლიოში ისეთი, რომლის ჩაწვდომა ადამიანს, აღჭურვილს გრძნობითა და გონებით არ შეეძლოს¹¹⁷.

კომენსკი ანვითარებს ტრადიციულ აზრს, რომ ადამიანს ბუნებით აქვს ცოდნის წყურვილი და შრომისაყენ მისწრაფება, რომ გრძნობის ორგანოები საზრდოს ეძებენ და სამყაროსკენ მიისწრაფიან, შემეცნების უნარით აღჭურვილინი. შემდეგ კომენსკი მხატვრულად ასკენის: „ადამიანში, მართლაც, ყველაფერია მოცემული: ლამპარიც, სანთელიც, ზეთიც, კვეცი — ყოველივე თავისი მოწყობილობით. ოღონდ იცოდეს ცეცხლის აგზნება, მისი მოკიდება, სანათურის ანთება. და, ის, როგორც თავის არსებაში, ისე დიდ მსოფლიოში, მეტად სასიამოვნო სანახაობას დანიხავს მაშინვე...“¹¹⁸.

ოჯახური აღზრდის პრობლემას ჯონ ლოკმა განსაკუთრებული ადგილი დაუთმო მის პედაგოგიურ მოძღვრებაში. თავისი დროის საზოგადოებრივ-პოლიტიკური ვითარებით გულგატეხილი ჯონ ლოკი საშინაო — ინდივიდუალურ აღზრდას ანიჭებდა უპირატესობას. მისი აზრით, სხვადასხვა ოჯახიდან მოსულ ბავშვებს განსხვავებული თავისებურებების გამო შეუძლიათ არასახარბიელო ურთიერთგავლენა გამოიწვიონ. ოჯახს, — განაგრძობს ლოკი — თავისი ნაკლი ყოფნის, სხვისიც არ დაიმართოს. მაგრამ ოჯახი სხვათა უზენოესისაგან თავდაცვის გარკვეულ გარანტს იძლევაო.

ჯ. ლოკი იზიარებს წინამორბედთა პედაგოგიურ შეხედულებებს ადრეული ასაკიდანვე ბავშვის აღზრდისადმი სერიოზული დამოკიდებულების აუცილებლობის შესახებ, იგი წერს: აღზრდა ადრეული ასაკიდანვე უნდა იქნეს დაწყებული, რადგან „ბავშვის სული ისე ადვილად შეიძლება წარიმართოს გარკვეული მიმართულებით, როგორც წყაროს წყალი“¹¹⁹.

ჯ. ლოკის აღზრდის მიზანი ეკრძოდ ჯენტლმენის ფორმირებაა, რომელსაც უნდა ახასიათებდეს სულიერება (ღმერთის

არქმენა), ფიზიკური სიჭანსაღე, გონებრივი ბრწყინვალეობა, ზნეობრივი სიწმინდე. ყველა ამ თვისებებს, ლოკის აზრით, ბავშვობიდანვე უნდა ჩაეყაროს საფუძველი ოჯახში მშობლების, ძიძისა და მასწავლებლის ხელმძღვანელობით. ასევე ბავშვობიდანვე უნდა დაეუფლონ ოჯახურ საქმიანობას და მიიღონ რაიმე ხელობა აუცილებლად. შრომითი აღზრდის მიზნად ლოკის შრომისმოყვარეობის გამოქვეყნება მიაჩნია.

ლოკის მიხედვით, დაღებიანი ჩვევების აღზრდა და განმტკიცება უნდა მიმდინარეობდეს სიცოცხლის დასაწყისიდანვე სწავლებისა და პრაქტიკული გამოცდილების გზით. „თუ თქვენ თვლით, რომ აუცილებელია ისინი (ბავშვები — გ.ბ.) მიაჩვიონ რაიმეს, დააფუძნეთ იგი ყოველთვის პრაქტიკას და, თუ შესაძლებელია თავად მოაწვეთ საამისო სიტუაცია“.

ჯონ ლოკი ამოდის რა სენსუალიზმის კანონიდან, იზიარებს წინამორბედთა აზრს იმის შესახებ, რომ არაფერია ცნობიერებაში, რაც არ გვექონია შეგარძნებაში, რომ ბავშვის სული ჰგავს სუფთა დაფას გარესამყაროს შესახებ ინფორმაციების მისაღებად გამზადებულს. მასზე ფიქსირდება ის, რასაც შეიგრძნობს ბავშვი გარემოს ორგანოების საშუალებით. ამიტომ ჯ. ლოკი განსაკუთრებულ ყურადღებას უთმობს მოწესრიგებულ გარემოს, მშობლების, აღმზრდელისა და მასწავლებლის კულტურულ ღონეს. რომ ისინი აუცილებლად უნდა წარმოადგენდნენ იდეალურ ნიმუშს, მაგალითს მიბაძვისათვის. „ბავშვებს უნდა უვლიდნენ მხოლოდ და მხოლოდ კეთილგონიერი ადამიანები.“²⁰

ჯ. ლოკი ბავშვს დაუმუშავებელ აღმაზს (ბრილიანტი) აღარებს. იგი წერს: „არავინ ისურვებდა ეგზომ სანატრელ ბრილიანტის ტარებას დაუმუშავებლად. ის ხომ მაშინ ბრწყინავს მხოლოდ, როცა გათლილ-გაპრიალებულია და ჩარჩოშია ჩასმული“²¹. ასევეა ბავშვი. „მას აღზრდა სვამს ჩარჩოში“²².

ჯ. ლოკი აღზრდის უმთავრეს კომპონენტად ზნეობრივ

აღზრდას თვლის, რომელსაც მისი აზრით, ადრეულ ასაკშივე ოჯახში უნდა ჩაეყაროს საფუძველი.

პირადი მაგალითის აღმზრდელითი გავლენის გათვალისწინების აუცილებლობასთან დაკავშირებით ჯ. ლოკი წერს: „თქვენ არაფერი არ უნდა გააკეთოთ ისეთი, რაშიც არ გინდათ ბავშვმა მოგბაძონ, თუ თქვენ თავს მისცემთ უფლებას ჩაიდინოთ ისეთი რამ, რისთვისაც დადანაშაულებლით ბავშვს, ის აუცილებლად ამოუფარება თქვენს მაგალითს და შეუვალი იქნება ის, როცა თქვენ მოინდომებთ ამისთვის მის დასჯას.“²³ ან კიდევ: „თუ დასჯით მათ იმისათვის, რასაც თვითონ აკეთებთ მის თვალწინ, ის არ ირწმუნებს მისადმი თქვენს კეთილდამოკიდებულებას“. ბავშვის დასჯის ერთადერთ მიზეზად ჯ. ლოკი თვლის ციუტობასა და დემონსტრაციულ დაუმორჩილებლობას. „როცა კარგად ასწავლით — წერს ლოკი — დასჯაც არ იქნება საჭირო“.

ბავშვები დესპოტურ ჩვევებს, ლოკის აზრით, იძენენ გარემოდან. როცა ხედავენ, რომ უფროსები ძალადობენ, უხეშობენ — სისასტიკე ნორმად აღიქმება ბავშვების მიერ. „ისე შეუძნეველად და ღრმად არაფერი აღწევს ბავშვის სულში, როგორც თვალსაჩინო მაგალითი“²⁴.

ჯ. ლოკი წერს, რომ ბავშვთა ურთიერთობას ოჯახში მკაცრად უნდა ვაღვენოთ თვალყური და არ დაუშვათ სამართლიანობიდან გადახვევის არც ერთი შემთხვევა, უნებლიე შეცდომებიც კი დაუყვანებლივ გავასწოროთ: „სიძინწე და იმაზე მეტის მოპოვებისა და დაუფლების სურვილი, რაც ჩვენ გვექირდება, არის ყველა ბოროტების სათავე და ამ თვისებათა განვითარება არ უნდა დაუშვათ ბავშვობის ასაკიდანვე, პირიქით, წაეხალისოთ უნდა ისინი იმისათვის, რომ თავიანთი ნებით გაუნაწილონ სხვებს, რაც მათ აქვთ“. ყველაფერი, რასაც აკეთებენ ბავშვები ამ ნაბ ასაკში ღრმად აღიბეჭდება მათ სულში, შემდეგ აქედან უნვითარებათ მიდრეკილება სიკეთისა და ბოროტებისადმი“.

აღზრდის ერთ-ერთ მნიშვნელოვან ფაქტორად ლოკს მიაჩნია მაგალითი, გარემო, ის, რაც ბავშვის გარშემოა: „ჩათვალეთ აბსოლუტურ კემპარიტებად, — წერს იგი — რომ უდიდესი ზეგავლენის ძალა გააჩნია იმ კომპანიას, რომელშიც იგი იმყოფება, იმათ ქცევას, ვისთანაც დადის.“

ჯ. ლოკი არც ესთეტიკურ აღზრდას ივიწყებს. იგი აყენებს საკითხს ბავშვის სულის ბუნებრივ მდგომარეობასთან, ხასიათის შინაგან თვისებებთან ჯენტლმენის ქცევისა და მოქმედების მანერების, გრაციოზულობის, ჩვევების შესაბამისობის აუცილებლობის შესახებ. „გრაცია — წერს ლოკი — წარმოსდგება სრულყოფილ ქცევებსა და ასეთივე სულიერ მდგომარეობას შორის სრულ შესატყვისობაში“.

ლოკის იდეალია თავისუფალი, ჰუმანური, მეგობრული, თავაზიანი, საკუთარ თავს რომ ფლობს ისეთი ნატურა, რომლის ქცევა და მოქმედება ბუნებრივად მიმდინარეობს ნახი და კეთილი სულისგან და არაფერია „ნაძალადევი, მოჩვენებითი, დაზეპირებული და ხელოვნური. ამაშია ის სილამაზე და ბრწყინვალება“, რითაც გამოირჩევიან აღზრდილი ადამიანები — წერს ლოკი.

მეცნიერი განაგრძობს მსჯელობას ამ მიზნის მისაღწევ საშუალებათა შესახებ. განსაკუთრებით გამოყოფს აღზრდის პრინციპებისა და მეთოდების სწორად შერჩევასა და ურთიერთშეთანხმების აუცილებლობის საკითხს; იგი ხაზს უსვამს ბავშვის ასაკობრივი და ინდივიდუალური თავისებურებების, მკაცრი, მაგრამ სამართლიანი მომთხოვნელობის, დადებითზე დაყრდნობის, სიყვარულისა და პატივისცემის, სისტემატიურობისა და თანმიმდევრობის პრინციპთა დიდ მნიშვნელობას. „ვისაც საქმე აღზრდასთან აქვს, აუცილებელია სწავლობდეს ბავშვის ნატურას, მის უნარებს, მის მოქმედებებზე დაკვირვების გზით აელენდეს მის ბუნებრივ მონაცემებს, მიდრეკილებებს, თუ რა უხეზბათ და როგორ შეიძლება მისი განვითარება — სრულყოფა, რაში გამოდგებიან ისინი“;

„ბუნებრივი მონაცემების განვითარების შესაძლებელ ზღვარს გადაცილება. აღზრდის არაბუნებრივი გზით წარმართვის მცდელობა უშედეგო იქნება“.

ჯ. ლოკის აზრით, უშედეგოა გაუვებარი წესებისა და ნორმების ქარბად დამახსოვრება; აუცილებლად გათვალისწინებული უნდა იქნეს მოთხოვნის შესრულების რეალური შესაძლებლობა. „მოქმედებისა და ქცევის წესების შესრულებაში მანამდე უნდა ეაჯარჯიშოთ, სანამ არ მიაღწევს იგი სრულყოფას, რომლის შემდეგ ის იტყვევებს მის ბუნებრივ მოძრაობად, როგორც სუნთქვა“. წესები უნდა შეითვისონ პრაქტიკული გამოცდილებით. „როცა თქვენს ბავშვს აეარჯიშებთ იმ ქცევებში, რომელიც მის ჩვევად უნდა იქცეს, მიმართეთ მოფერებით, ისე თითქოს მას ახსენებთ დაიწყებულს“... „ნუ მოინდომებთ ერთბაშად რამდენიმე ჩვევების სწავლებას, თორემ ვერც ერთს ვერ შეითვისებს რიგაიანად“; „მას შემდეგ, როცა ერთი წეს-ჩვეულება განმტკიცდა მის მესხიერებაში პრაქტიკის შედეგად, შემდეგ შეიძლება ახალი წესების სწავლების დაწყება“; პრაქტიკული მეთოდი იძლევა საშუალებას ბავშვის შესაძლებლობების, მისი უნარების დადგენისა.

როგორც ვხედავთ, ჯონ ლოკის პედაგოგიკაც სწავლებისა და აღზრდის ერთიანობისა და უწყვეტობის პრინციპზეა აგებული, რომელიც სათავეს იღებს ბავშვის დაბადებულად და გრძელდება მის სრულყოფამდე.

ოჯახური აღზრდის თეორიას თავისებური ინტერპრეტაცია მისცა და განავითარა მე-18 ს. ფრანგმა განმანათლებელმა ენ-ჟაკ რუსომ. მან აღზრდის მთავარ ფიგურად გამოაცხადა დედა: „Нет матери, нет и ребенка!“ იგი ბავშვის დაბადებიდან 2 წლამდე ასაკს ფიზიკური აღზრდის პერიოდად თვლიდა, რომლის შესახებ მოგვცა რიგი კონკრეტული მითითებები: კვების, ჰიგიენის, წართობის შესახებ. „მთავრით — წერს იგი — ბავშვები გამოცდებიან... გაწურთენით მათი

სხეული უამინდობის, კლიმატის, სტიქიის, შიმშილის, წყურვილის, დაღლილობის წინააღმდეგ“.

ჟან-ჟაკ რუსო როგორც სენსუალისტი, სენსორულ აღზრდას ანიჭებდა უპირატესობას ორი წლიდან 12 წლამდე. იგი აზროვნების საფუძვლად კონკრეტულ განჭკრეტას ხედავდა: „ყველაფერი, რასაც მოიკავს ადამიანური აზროვნება ცნობიერებაში აღწევს გრძნობათა მეშვეობით. ამიტომ — განაგრძობს რუსო — რომ ვისწავლოთ აზროვნება, საჭიროა თანმიმდევრულად ევაარჩიოთ ჩვენი გრძნობის ორგანოები (მხედველობა, სმენა, ყნოსვა, გემო, შეხება), რომლებიც წარმოადგენს ჩვენი გონების იარაღებს“. აქედან გამომდინარე, ჟ.რ. რუსო მოითხოვდა ისეთი პედაგოგიური პირობების შექმნას, რომელიც ხელს შეუწყობდა ბავშვის მრავალმხრივ და ინტენსიურ აქტიუობას, გარესინამდვილესთან მიზანმიმართულ შეგნებით კავშირს.

ბავშვის გონებას ამდიდრებს ის, — წერს ჟ.რ. რუსო — რასაც ხედავს და ესმის, რასაც შეიგრძნობს სხვადასხვა გრძნობის ორგანოებით.

ამდენად „სალი გონება დანარჩენ გრძნობათა ორგანოების კარგად მოწესრიგებული ხმარების შედეგია და გვაძლევს ცნობას საგანთა ბუნების შესახებ“... „ამიტომ ამ მეექვსე გრძნობას (გონებას — გ.ბ.) საკუთარი ორგანო არ გააჩნია.“¹⁷

ჟ.რ. რუსოს ადრეულ ასაკში აღზრდის ეფექტურ საშუალებად თამაში მიაჩნია. იგი კონკრეტულად აღწერს თამაშის სახეობებსა და მეთოდებს. მაგალითად, სინზელის შიშის დასაძლევით თამაშობანი, რომელიც რუსომ აღწერა თავის ხუთწიგნიან ტრაქტატში „ემილი, ანუ აღზრდის შესახებ“ დღესაც გაუხუნარია. ასევე — გეომეტრიული ფიგურების გამოცნობა — ზომები, ფორმები.....; სირბილის სწავლება დანტერესებით; თავდაცვითი (წინააღმდეგობრივი) თამაშობანი და ა.შ.

ჟ.რ. რუსო ბავშვის მეტყველებისათვის ზრუნვას მოითხოვს

2 წლიდან. ისიც, კენტრილიანეს მსგავსად, განსაკუთრებულ მნიშვნელობას ანიჭებს სადა, ნათელ მეტყველებას, კარგ არტიკულაციას, ზუსტი და უაფექტაციო გამოთქმას. როგორც კენტრილიანე, ჟ.რ. რუსოსაც მუსიკა მიაჩნია ხმისა და სმენის განმავითარებელ საშუალებად. ამიტომ მოითხოვს იგი ნაზი, მელოდოური, რიტმული სიმღერების მოსმენის აუცილებლობას და არა მარტო მოსმენის, ამასთანავე სიმღერის სწავლებას სიმღერით.

ჟ.რ. რუსოს პედაგოგიკას წითელი ზოლივით გასდევს თავისუფალი აღზრდის იდეა, რაც გულისხმობს ბავშვის ბუნებასთან აღზრდის შესაბამისობას და არა განუყოფლობასა და ქოსს. იგი ნებაყოფილობითობის, არჩევანისა და ინიციატივის პედაგოგიურ პრინციპებს ანიჭებს უპირატესობას აღზრდაში.

რუსო იძლევა დიდებულ პედაგოგიურ რეკომენდაციას არჩევანის ვარიანტულობის შესახებ. ე.ი. მოთხოვნათა ვარიანტების ისე შედგენას, რომ ბავშვმა რომელიც არ უნდა აირჩიოს, ყველა მისაღები და საჭირო იქნება. არჩევანის უფლება კი ბავშვს თავისუფლების შეგრძნებას შეუქმნის.

ჟ.რ. რუსოს მიხედვით, ბავშვს ზოგჯერ შეეცდომის საშუალებაც უნდა მიეცეს, რათა თავად იგემოს მისი მწარე შედეგი, ისწავლოს როგორც სხვის, ასე საკუთარ შეცდომებზე. რაც შეეხება დასჯას, რუსოს მიხედვით, „სასჯელი ბავშვს, როგორც სასჯელი კი არ უნდა დაედოს, არამედ იგი მას უნდა ევლინებოდეს, როგორც მისი ცული საქციელის ბუნებრივი შედეგი“. ამ რეკომენდაციის არსი ლოგიკით აღზრდაში, ბავშვის მიერ მიზეზ-შედეგობრივი კავშირების გაგებაში მდგომარეობს.

რუსოს აგრეთვე საინტერესო მოსაზრებები აქვს გამოთქმული შრომითი აღზრდის შესახებაც. მისი აზრით, ბავშვი თავიდანვე უნდა მიეჩიოს იმ აზრს, რომ საკუთარი შრომით უნდა იცხოვროს და არ იყოს სხვაზე დამოკიდებული.

რამეთუ: „შრომა არის საზოგადოების თითოეული წევრის მოვალეობა“²⁸.

ზნობრივ აღზრდასთან დაკავშირებით რუსო წერს: „საკურო არ არის მორალური ქადაგებანი, გაუთავებელი რჩევა-დარიგებანი. თვით აღმზრდელმა უნდა შექმნას ისეთი პირობები და აღსაზრდელებთან დაამყაროს ისეთი ურთიერთობა, რომელიც გამოირცხავს სიკრუსს, მლოქნელობის, ყოყოჩობისა და სხვა უზნეო ქცევების გამოვლინებების შესაძლებლობებს“²⁹.

მიუხედავად იმისა, რომ რუსოს პედაგოგიურ შეხედულებებში არის საუკომანო მოსაზრებები, (მაგალითად: ასაკობრივი პერიოდიზაცია, გონებრივი აღზრდის გვიან, ორი წლის ასაკიდან დაწყების და სხვა), მისი დიდებული პედაგოგიური დებულებებისა და რეკომენდაციების გაუთვლილ-სწინებლობა, განსაკუთრებით სკოლამდელ ასაკში საშინაო აღზრდის შესახებ, ყოვლად დაუშვებელია.

შვეიცარიელი პედაგოგი იოჰან პესტალოცი იზიარებდა რა დაბადებიდანვე ბავშვის ჰარმონიული განვითარებისა და აღზრდის პედაგოგიურ იდეას, თავადვე იკვლია და გამოთქვა ამასთან დაკავშირებით მნიშვნელოვანი მოსაზრებები. იგი თავიდანვე აყენებდა დემოკრატიულ მოთხოვნებს ყველა ბავშვს, მიუხედავად სოციალური წარმოამკობისა, მისცემოდა ფიზიკური, ზნობრივი, შრომითი, ესთეტიკური და გონებრივი აღზრდის საშუალება. პედაგოგს განსაკუთრებული ზრუნვის საგნად მიაჩნდა ბავშვის ბუნებრივი ფიზიკური და ფსიქიკური უნარების განვითარების საკითხი, განვითარებისაკენ ჩვილის ბუნებრივი სწრაფვის გათვალისწინებით. იგი წერს: „თავლს უნდა დაინახოს, ყურს — მოისმინოს, ფეხს — იაროს და ხელს — დაიტაცოს; ასევე გულს უნდა სწამდეს და უყვარდეს, გონებას უნდა იაზროვნოს“. აღზრდამ კი ხელი უნდა შეუწყოს ამ ბუნებრივი მოთხოვნილებების განვითარებას შესაბამის სასწავლო-აღმზრდელით ღონისძიე-

ბათა სისტემის მიზანმიმართული და გეგმაზომიერი ზემოქმედებით. ბავშვის აღზრდის პროცესს საფუძველი უნდა ჩაეყაროს მისი სიცოცხლის დასაწყისიდანვე. ოჯახში დედის ხელმძღვანელობით თამაშსა და შრომით საქმიანობაში ბავშვის უშუალო ჩაბმით. მას — წერს პესტალოცი — იმთავითვე თავისი როლი და ფუნქციები უნდა ჰქონდეს ოჯახში მისი შესაძლებლობების გათვალისწინებით. მაგალითად: პირადი ჰიგიენა, ბავშვის დარწვევა, უმცროსი დისა თუ ძმისადმი ჩაცმა-დახურვაში მიხმარება, ყვავილების, ცხოველების მოვლა და ა.შ.

პესტალოცის მიხედვით, სწორედ შრომითი აღზრდა უნდა დაელოს საფუძვლად ბავშვის ყოველმხრივ ჰარმონიულ განვითარებას, მის გონებრივ, ზნობრივ და ესთეტიკურ აღზრდას. მეცნიერი თვლის, რომ დედამ ბავშვს უნდა აღუძრას მისადმი გამოვლენილი მზრუნველობის გამო მადლიერებისა და სიყვარულის, საერთოდ კაცთმოყვარეობის, ჰუმანიზმის გრძნობა.

პესტალოცი ზნობრივი აღზრდის პრობლემის გადაწყვეტას მის რელიგიურ საფუძველში, ყოვლისშემქნელისა და ყოვლისშემძლელ ღმერთის სიყვარულში ხედავდა. ამასვე უკავშირებდა იგი ესთეტიკურ აღზრდასაც. სილამაზისა და სიმშვენიერის კანონებით ცხოვრებისადმი მიდრეკილების გამომუშავება, ქცევასა და მოქმედებაში ჰარმონიის, წესრიგის, სისუფთავის, სიკობთავის, ზომიერების, ფერებისა და ფორმების შეგრძნებისა და მით სიამოვნებისა და მორალური კმაყოფილების მიღების უნარ-ჩვევების გამომუშავებაში ხედავს პესტალოცი ესთეტიკური აღზრდის დანიშნულებას, რომელსაც საფუძველი უნდა ჩაეყაროს ოჯახში აღრეული ასაკიდანვე.

ბავშვის გონებრივი აღზრდის საფუძვლად პესტალოცი თვლის გარესამყაროზე დაკვირვების, ცოცხალი, კონკრეტული განსჭკრებით მიღებულ შთაბეჭდილებებს. მეცნიერს მიაჩნია, რომ თვით ეს შთაბეჭდილებები აღძრავს ბავშვში ცოდნის წყურვილს და შექმნის ნიადაგს გონებრივი აღზრდისათვის.

აჩვენებს ბავშვს ბურთებს ფერების გარჩევის უნარის განვითარების მიზნით; შემდეგ ატრიალებს ბურთს და თან წარმოთქვამს მიმართულების აღმნიშვნელ სიტყვებს: „წინ-უკან“, „ზევით-ქვევით“. „მარჯვნივ-მარცხნივ“ სივრცობრივი წარმოდგენების შესაქმნელად. შემდეგ დედა ხელის გულზე იდებს ბურთს, ხელს ხან შლის, ხან მუჭავს და ამბობს: „არის ბურთი — არ არის ბურთი“. ამით ბავშვს უმუშავდება მტკიცებისა და უარყოფის უნარები.

თამაშის მეორე წესი გულისხმობს ხის სფეროს, კუბიკის, ცილინდრის სათამაშოებს, რომელთა მეშვეობით ბავშვი იცნობიერებს საგნის ფორმებს. ფრებელის მიხედვით, სფერო ასიმბოლოებს „ერთადერთს“, მოძრავსა და უსასრულოს, კუბიკი „მრავალფეროვნების ერთიანობას“. მაგალითად: კუბიკი ფორმით მრავალნაირია, მაგრამ ყველა კუბიკია. ხოლო ცილინდრი თავის თავში მოიცავს როგორც სფეროს, ასევე კუბიკის თვისებებს.

მესამე წესი: კუბიკი დაყოფილია 8 ნაწილად. იგი განკუთვნილია მთელისა და ნაწილების კომბინირებით ახალი მთელის მიღების შესაძლებლობათა წარმოსახვის უნარის განვითარებისათვის.

მეოთხე წესის მიხედვით კუბიკი დაყოფილია 8 ფილად, რაც მეტ საშუალებას იძლევა კომბინაციებისა.

მეხუთე წესი: კუბიკი 27 ნაწილადაა დაყოფილი პატარა პატარა კუბიკებად და ფილებად;

მეექვსე წესი: აქაც კუბიკი 27 ნაწილადაა დაყოფილი სწორ და დიაგონალურ ფილებად.

ასეთი თამაშები, ფრებელის აზრით, უზრუნველყოფდა ბავშვში მშენებლობის, ფორმების, ზომების, ფერების, სივრცობრივ და რიცხობრივ წარმოდგენებს.

ფრებელის სახელთანაა აგრეთვე დაკავშირებული ბავშვთა საქმიანობისა და მეცადინეობის მრავალი სახეობა. როგორც ცნობილია: მოძრავი თამაში, ძერწვა, აკონტა, ჭლალდისჯან გამო-

ქრა, ამოჭარგვა; რგოლების, ჯოხების, მძივების სხვადასხვა „ნაგებობების“, საგნების აწყობა და სხვა.

ფრებელისეულ თამაშობებისა და მეცადინეობების წესებს დღესაც არ დაუპარგავს თავისი აქტუალობა.

სკოლამდელ ასაკში (პირველი ექვსი წლის განმავლობაში) ბავშვის საშინაო-ოჯახური აღზრდის შესახებ ისტორიული კოდნა-გამოცდილების ანალიზი იძლევა საშუალებას შემდეგი დასკვნების გაკეთებისა;

1. ბავშვის დაბადებისთანავე მისი ნორმალური აღზრდისათვის მშობლების მიერ ვალდებულებისა და პასუხისმგებლობის აღება; აღზრდის მიზნის დასახვა, ექიმისა და მასწავლებლის დახმარებით შესაბამისი გეგმის, პროგრამისა და დღის რეჟიმის შედგენა და ამის მიხედვით მიზანმიმართული, გეგმაზომიერი მოქმედება;

2. ბავშვის თანდაყოლილი ბუნებრივი ფიზიკური და ფსიქიკური უნარების, გრძნობის ორგანოების განვითარებისათვის ზრუნვა შესაბამისი პედაგოგიური ზემოქმედების გზით. ე.ი. სენსორული აღზრდა, რამეთუ არათერაპიული ცნობიერებაში, რაც შეგრძნებებში არ ჰქონია აღმოჩნს. თანამხად სენსუალური ტიპის თვორიისა, სამყაროს ცოცხალი, კონკრეტული უნაქვრეტით მიღებული შთაბეჭდილებებით ბავშვის გონებრივი და სულიერი გამდიდრება; შემეცნების ინტერესის აღძვრა;

3. ყოვლისშემოქმედისა და ყოვლისშემძლე ღმერთისადმი სიყვარულისა და მადლიერების, ასევე მისი ქმნილებებისადმი სიყვარულისა და მოფრთხილების შეგნებისა და გრძნობის განვითარება ბავშვებში. რწმენის გამოუმუშავება იმის შესახებ, რომ ღმერთი აჯილდოებს კურთხევებით კეთილმუყოფელთ, ბოროტეულთ კი დასჯის (ბიბლიური მაგალითების მიხედვით);

4. ლამაზისა და მშვენიერის შეგრძნებისა და მით ტკობის უნარების, ესთეტიკური კანონებით ცხოვრების მოახოვნელების გამოუმუშავება აღსაზრდელებში ურთიერთობის, ბუნების, ხელოვნების, მხატვრული ლიტერატურის საშუალებით;

5. სკოლამდელ ასაკში ოჯახური აღზრდის შესაბამისი პრინციპების შერჩევის აუცილებლობა. მაგალითად: სიყვარული და მზრუნველობა, თანადგომა, დაცვა, წინამძღოლობა, არჩევანის თავისუფლება ვარიანტების შეთავაზებით, ბუნებრივობა და უშუალობა, გულწრფელობა, პატიოსნება და სამართლიანობა, სიტყვისა და საქმის ერთიანობა, კომუნიკაბელურობა და ა.შ.;

6. აღზრდის ფორმების ასაკისა და მიზნის მიხედვით შემოქმედებითად განსაზღვრა, მაგალითად: თამაშ-ფერების, ფორმების, მოცულობის, მდებარეობის, მიმართულების, ხმების, გემოს, სუნის, სიმყარის და ა.შ. სამყაროს შესახებ შთაბეჭდილებების მისაღებად. ასევე კონსტრუირება, აგება, ამოჭრა, აწყობა — შრომითი უნარ-ჩვევების მისაღებად; შრომა, მეცადინეობა, სეირნობა, ექსკურსია, საბავშვო ფილმების ყურება, მოზარდ-მწყურებელთა თეატრში დასწრება... სურათების გალერეას დათვალიერება, სტუმრობა და ა.შ.;

7. პედაგოგიის კლასიკოსები აგრეთვე გვთავაზობენ აღზრდის მიზნისა და პრინციპების შესატყვის მეთოდებს: საუბარი, ინსტრუქტაჟი, დარწმუნება, ვარჯიში, პირადი მაგალითი, წახალისება (შექება, მოწონება, დაჯილდოება), ნდობა, თხოვნა, იუმორი და სხვა;

8. კლასიკური პედაგოგიის მიხედვით ბავშვის აღზრდა უნდა ითვლებოდეს პირველ და უმთავრეს საჭედ სახელმწიფოში, საზოგადოებაში, ოჯახში. ეს პროცესი უნდა იწყებოდეს ბავშვის დაბადებისთანავე და უწყვეტად მიმდინარეობდეს სწავლებისა და აღზრდის ერთიანობის გზით მის სრულყოფამდე

(იხილეთ II ნაწილი)

დამოწმებული ლიტერატურა

1. ბიბლია (ახალი აღთქმა), მათე 19:4,5.
2. იქვე, მარკოზი 10:9.
3. ბიბლია, დაბადება 1:28.
4. იქვე, მეორე რჯული 6:6,7.
5. ზ. ბანძელაძე, „ეთიკა“, თბ., 1962, გვ. 426.
6. Хрестоматия по истории Заруб. педагогики; Марк Фабии Квинтилиане, „О воспитание оратора“. Перев. И. Д. Виноградова. М. 1981, ст. 54.
7. Жураковский Г.Е. „Очерки по ист. ант. педагогики, М., 1940, ст. 416.
8. М.Ф. Квинтильмане „О воспитание оратора“ пер. А. Никольский книга I, 6 гл. III.
9. იქვე.
10. Жураковский Г.Е. „Очерки по ист. ант. педагогики, М., 1940, ст. 473.
11. ფრ. რაბლე. „გარგანტუა პანტაგრუელი“, ტ. II, თბ. 1991.
12. ი. ა. კომენსკი, რჩ. პედ. თხზ., „დედობრივი სკოლა“. თბ. 1949.
13. იქვე, გვ. 315.
14. ახალი აღთქმა, ლუკა 2:52.
15. ი. ა. კომენსკი, რჩ. პედ. თხზ. „დედობრივი სკოლის იდეა“. თბ., 1949, გვ. 316.
16. იქვე, გვ. 317.
17. ი. ა. კომენსკი, რჩ. პედ. თხზ., თბ., 1949, გვ. 48-49.
18. იქვე, გვ. 50.
19. ჯ. ლოკი, „ფიქრები აღზრდის შესახებ“, მ. 1939.
20. იქვე, გვ. 93.
21. იქვე, გვ. 128.
22. იქვე, გვ. 132.
23. იქვე, გვ. 113.
24. იქვე, გვ. 128.

25. Идеи Эстетическое воспитание, Дж. Локк, М. 1973, ст. 62.
26. ჯ. ლოკი. „ფიქრები აღზრდის შესახებ“. მ. 1939, გვ. 102-108.
27. ე.ე. რუსო, რჩ. თხზ. „ემილი, ანუ აღზრდის შესახებ“, მ. 1961, გვ. 225.
28. Хрестоматия по истории пед. М. 1962, ст. 88.
29. იქვე, გვ. 91.
30. Идеи Эстетическое воспитание, Гелвеций „об уме“, М. 1973, ст. 112.
31. პედ. ისტორია, თბ., 1988, გვ. 100.
32. История дошкольной педагогики, педагогическая деятельность и теория Фридриха Фребелия. М. 1989. ст. 55-61.